

摘藻堂四庫全書薈要

集部

欽定四庫全書薈要

集部

武夷新集卷二

三

詳校官助教臣常循



欽定四庫全書薈要卷一萬四千一百五十七

集部

武夷新集卷二


宋 楊億 撰

詩二

律詩四韻至十六韻共六十九首

戲贈潁州萬壽尉吳待問

待問予之故人  
值雨留憩數日

  
南北最情親  
歲晏相逢潁水濱  
舊日青衿同學校  
暫時黃綬困埃塵  
樽中滿酌香醪美  
門外高懸綵棒新  
雞黍留歡已慵發  
可堪經雨折紗巾

題顯道人壁

住萬壽縣精舍二十年矣

心似寒灰不復然尋常談論即彌天門臨潁水多年住  
法自曹溪幾世傳儒士誰同翻貝葉都人長見施金錢  
翰林詩版分明在曾與吾家有舊緣

故侍讀尚書有贈先師詩著之于版

史館阮比部知衢州因歸建陽別墅二首

比部兄昭

濟隱居不仕

再入蓬邱席未暖飄飄又建隼旗行交朋莫惜河梁別  
鄉曲初期畫錦榮竹箭波聲隨一棹斧柯山色對雙旌  
子牟江海心應在頻上高樓望帝京

少小鄉關振大名  
武夷山翠落門庭  
郎君近折仙人桂  
伯氏高分處士星  
城郭遼東應改易  
芝蘭謝圃自分馨  
吳民正待隨車雨  
莫苦淹留醉醪醕

集賢宿直寄中書李梁二舍人

耿耿銀缸照直廬  
西風黃葉滿庭除  
愁心不忍聞賓雁  
病眼猶能拾蠹魚  
欹枕微吟空展轉  
遶廊閒步自躊躇  
銅龍漏滴傳鈎盾  
玉兔光芒射綺疏  
薄宦久淹滄海郡  
故交多入紫垣居  
洛陽已在拜塵後  
宣室那逢膝席初

投閣寂寥深自愧，抱關憔悴擬何如。  
寧思西掖五花判，且補河東三篋書。  
桑梓任拋萬里外，蓬萊試住十年餘。  
釋之不調嵇康懶，終待休官學灌蔬。

翰林王學士奉使兩川

萬里征西頻告捷，九重喻蜀正裁書。  
忽聞召對浴堂殿，元是親乘使者車。  
井邑凋殘經亂後，軍城鼓舞拜恩初。  
銅梁迢遞驅騶騎，玉署深嚴鐫直廬。  
星厯更須占李邵，雪園應恨欠相如。  
歸來便在三台席，轉與交親禮數疎。

董給事知洪州

豫章南國一都會夕拜東臺最上流  
捧詔暫辭青鑠闥攜家便汎木蘭舟  
褰帷聽訟民謠洽解榻延賓主禮優  
只恐徵黃在朝暮西山靈藥未容求

梁舍人奉使已中

藥署深嚴纔草詔劍關迢遞忽乘輶  
霜天歷歷已猿苦山路駸駸馬驕梁  
苑寒風吹別袂瞿塘春水送歸橈  
紫垣遣使非常例應有星文動九霄

次韻和族弟日華寄編修諸學士之什

鑠蘭漫喜塵通籍  
蓬巷無人肯顧廬  
天祿解嘲纔答客  
集仙置使又修書  
非烟繚繞縈珠網  
流水潺湲逗石渠

漢石渠署  
因渠得名

何必銀臺號三昧  
此中更好味真如

次韻和光祿黃少卿學士感恩書事十六韻

江夏門風盛東吳  
族望高才雄吐白  
鳳志大釣靈鼇昔

日參珠履

嘗任淮海  
王記室

多年汎碧桃  
陳琳巧書檄  
謝客占

風騷曲宴飛三雅  
沈機佐六韜  
玳筵頻岸幘  
楯臯幾揮



毫託乘同歸闕臨軒別賜袍未離王儉幕獨得呂虔刀

粉署因敷歷朱門更鬱陶淮南荒桂苑騎省泣霜毛

此已

上並敘少卿昔在淮海府中及感舊之意

去國踰千里為郎歷幾曹和鉛兼

秘府懸磬寓神臯室靜秋生白庭閒雨長蒿禁林俄召  
試卿寺果垂褒道在心無悶恩深首重搔依前領圖史  
紬繹肯辭勞

次韻和史館盛學士朝退書懷之什

金壺待傳點瑤墀初辨色闢仗開天閣垂旒操斗極百

辟瞻堯眉九州蒙禹力朝政無闕遺諫官慙曠職

次韻和盛博士寄贈李四寺丞因以述懷

錢郎滿腹貯精神坐上詩成壓倒人相識只從拋竹馬

愚初至上都遊歷門館纔十餘歲

留歡長是鱸金鱗西園宴喜期清夜

曲水追隨約暮春不到門牆欲句浹已應懸榻滿埃塵

次韻和盛博士寄贈虞部李郎中之什

門牆日以峻德望闇然彰弟草西垣詔身為南省郎墳  
簞歡並奏龍虎儼成行宴客牛心炙朝天雞舌香曲池

春漲水碧瓦曉飛霜此景知何事留賓汎羽觴

次韻和守邦道人寄編修諸學士之什

修書何幸佐鉛黃日接羣英道自光署近承明叨謁帝  
賦成平樂謬為郎孟堅已分酬賓戲嚴助還思佩邵章  
共憶東林社中客滿池蓮葉吐清香

大名府大安閣主道者

上幸魏郡親至  
其寺而賜紫

釋子修行與衆殊銅臺連接起精廬羣公共結二林社  
萬乘曾迴六尺輿衣惹天香親御座閣成雲構倚晴虛

浮生自恨猶貪祿未得同翻貝葉書

次韻和盛博士寄許州任從事之什

射策由臯郗桂枝從軍猶賦仲宣詩陳琳草檄應非久

貢禹彈冠素有期

仕與盛君有推挽之約

梁苑勝遊思霰雪潯陽

舊隱廢茅茨

任寄居星灣多歷年所

初筵樽罍不須戀正好公車

自薦時

次韻和盛博士雪霽之什

六花新霽白皚皚爽氣颼颼拂面來梁苑酒濃寒力減

謝池風細凍文開，天邊幾陣聞歸雁。  
江外千家見早梅，此際何人能訪戴。  
剡溪清景好銜杯。

次韻和太僕錢少卿寄贈編修主人宋承旨李  
舍人之什

春官宗伯魯諸生，翰苑綸闈占大名。  
一代典謨資潤色，滿朝文物仰懸衡。  
分班月殿趨金馬，侍宴天池見石鯨。  
即日雲屏應隔坐，鄭弘任太尉舉第五倫為司空每見曲躬自卑詔置雲母屏風分隔焉  
不須東觀待書成。

宋殿丞廣南東路轉運

天子憂南越公卿薦陸生九年須富國萬里便揚旌封  
部諸蠻接官曹六尚榮交州何日到鼓吹定相迎

次韻和中書李舍人勉元氏道宗奉宗兄弟之  
什

二難文彩少人過落筆尋常只患多兔苑暫遊衝霰雪  
龍門曾上困風波一囊負米猶為客百步穿楊待決科  
更得詞臣贈詩句機雲入洛擬如何

送僧之棣州謁王工部

雪晴河水正流澌  
風卷驚蓬滿眼飛  
客路飄飄攜一錫  
禪房寂寂掩雙扉  
曹溪衣鉢何年得  
廬阜香燈幾日歸  
賢守相逢膜拜後  
都人爭勸施珠璣

次韻和錢少卿早春對景有懷諸學士

草樹欣欣暖律迴  
謝家池沼凍紋開  
晴天獨向高臺望  
春色先從上苑來  
且待郢人歌白雪  
莫聽羌笛怨殘梅  
乞逢休沐便須去  
引滿何曾訴玉盃

閤門廖舍人知袁州

舍人故連州刺史凝之子  
凝與弟融皆擅詩名於江

表

駸駸五馬動征塵  
太守風流世絕倫  
身事漢庭為小相  
家傳楚國是騷人  
煙波莫歎重湖遠  
桑梓仍將別墅鄰  
麥穗微黃稻苗綠  
朱轡入境便行春

次韻和李舍人拜命書懷寄館殿舊僚之什

拜命入星垣  
偏承聖主恩  
黃扉陪漢相  
彩筆代堯言  
佩玉天顏近  
簞金世望喧  
下僚今隔品  
雲路仰高軒



上元夜會慎大詹西齋分題得歌字

帝里風光上元節烏衣舊巷喜經過樽中酒祿寧辭醉  
梁上塵飛只欠歌坐聽禁城傳玉漏起看河漢轉金波  
主人愛客春宵永彩筆題詩奈樂何

次韻和主人喜諸客見過之什

金鴨噴香繞燭臺輕雲散盡月光來三千賓客連宵醉  
十二城門徹曉開何幸紫微容託乘更煩紅袖與傳盃  
明朝猶自放朝謁心喜當關不見催

坐中朱博士言今荆南張諫議典襄陽日嘗留  
意一妓公頗畏內終不得近及移郡荆渚泣  
別郵亭乃為歌詞流布巴郢予感其事賡而  
成詩

駸駸五馬江陵去寂寂雙娥漢水頭一曲歌終眉黛斂  
十分酒盡淚珠流陽春郢客傳新唱暮雨高唐夢昔遊  
瓊樹無人敢親近章臺京兆不勝愁

次韻和慎詹事述上元宵會之歡寄諸同舍之

什

休沐忻逢上元節華堂高宴且盤桓  
我冠屢舞人多醉  
刻燭狂吟夜向闌  
月上珠簾侵座白  
霜飛碧瓦透衣寒  
銅壺漏徹東方曙  
歸騎紛紛未盡歡

次韻和李舍人立秋祠太一宮宿齋書事之什

太一祠宮肅齋居薦至誠已將茅縮酒應用麴為牲

梁武

祭宗廟用  
麴脯麴牲

月映金天朗風來玉宇清  
玄談知理勝蔬食

覺身輕仙馭排雲下  
空歌遶殿聲仍聞得丹訣  
簪紱頓

忘情

同諸公寄閬州隆靈山王處士

玄晏先生早著書聖朝未降輓輪車滿頭霜雪機心息

三徑蓬蒿俗客疎千首好詩傳輦轂一枝仙桂耀門閭

其子近年登進士科

漢庭得意真知己應為清宵誦子虛

今樞密學士陳

公山人之執友也

送僧之大名府謁長城侍郎

上人能琴善詩

東吳舊寺寄巖隈駐錫神州久未迴琴曲誰知流水意

詩篇自占碧雲才廬峰已結白蓮社鄴下暫尋銅雀臺  
仙殿主人偏好事春風鈴閣且徘徊

次韻和李寺丞寄石同院之作

子雲常在草玄臺不覺春風滿眼來聞道後車長載酒  
無因曲水共流杯石渠盡日芸籤擁金谷何時綺席開  
珍重主人偏愛客乞逢休沐便追陪

賀太僕錢少卿直祕閣

幾年宿衛向周廬頻貢文章白玉除纔換月卿歸少列

又來天祿校中書東吳世胄王孫貴北第門闌太僕居  
春草題詩欺謝客上林奏賦慕相如石渠講論應重席  
翠輦巡遊且奉車禁籞風光暮春月影纓看是綴嚴徐  
次韻和盛博士喜梅太丞授戶部判官

新來乘傳抵秦川會府須才果峻遷應見流錢從地上  
特聞聚米向君前聲華南國推高士名姓丹臺綴列仙  
每話官曹苦拘束歸家長是夕陽天

次韻和李舍人憶北園尋春之作

謝公別墅枕城闌  
蕭洒都無紫陌塵  
五色絲綸貪草詔  
一園桃李阻尋春  
早朝禁漏猶傳點  
下直殘陽已滿身  
除是禁烟容洗沐  
直須偷暇賞芳辰

次韻和閣長李舍人喜薛梁二舍人及予同時  
拜命之什

西垣清切本無倫  
虛薄將何綴侍臣  
承露盤高雲際曉  
棲雞樹綠省中春  
言成綸綍終非稱  
室謁芝蘭幸得親  
從此烟霄連步武  
宸遊長奉屬車塵

次韻和承旨侍郎宿齋太一宮之什

北斗城南太一祠羽人多著九霞衣竹宮肅穆珠旒拜  
華表飄飄鶴馭歸遶殿步虛幢影密登壇酌獻珮聲微  
宵明禮畢還臺去殿馬翩翩速似飛

十九哥赴舒州太湖簿仍得假歸鄉

兩舉進士  
不第得學

身  
完出

初官佐邑少嗟咨且喜鄉關得告歸松菊門前三徑在  
烟波江上片帆飛粉榆舊社雖堪戀星火嚴程不可違



莫為棲鸞尚卑屑，悔將錦襖換蓑衣。

唐蔡京自進士應  
學究科當時有此

語

訓謝光丞四丈見慶新命之什

武夷歸路苦迢遙，延閣官曹正寂寥。  
彩鳳銜書俄錫命，黃金刻印便懸腰。  
紫微署近時當制，建禮門深日起朝。  
咫尺天顏曾賜對，熒煌台座得為僚。  
鬼神清問憂前席，松栢深情見後凋。  
一曲陽春特相寄，慙將木李報瓊瑶。

信道人歸西京

道人後唐相國之孫來  
獻其祖所著立書不報

寢丘遺業廢多年衣衾空藏命說篇北闕上書陳祖德  
上林結社會時賢風塵不肯留京邑龍象重歸啟梵筵  
聞有道安雖未識定應談論已彌天

邵奉禮歸鄉

奉禮新  
定人

應制曾親白玉除桐君溪畔是幽居未登王子洛賓歲  
已讀黃香東觀書萬里歸寧承漢詔三牲供膳奉蒲輿  
水衡得俸誠堪喜莫便揮金學二疏

史館盛學士以詩相賀因而答之

前年出守縉雲城，曾枉驪歌慰遠行。  
今日代言青瑣闥，又披郢唱見深情。  
側聆九奏都忘味，連得雙金自滿觥。  
紅藥階前試吟嚼，胸中鄙吝一時平。

衢州阮比部學士得假歸鄉，見過陋止，留題詩，  
什因以謝之。

千騎駸駸赴郡初，曾迂旌旆訪吾廬。  
天邊誰識郎官宿，門外空迴長者車。  
勸酒樽罍應引滿，題詩屋壁是親書。  
鄉人聞有神仙客，遠近爭來看隼旟。

致仕朱侍郎歸江陵

侍郎自內署休致

二年分直浴堂門簪筆垂紳奉至尊日過八甄批漢詔  
宴開三殿挹堯樽忽聞抗表干君父切要懸車示子孫  
碧落改官旌舊德黃金加賜見深恩羣公祖道爭飛蓋  
故吏沾襟亦戀軒定是遼東嘆城郭肯同彭澤慮田園  
捧觴莫訴前為壽上馬猶能左屬鞬臨別延英對數刻  
已應惇史記嘉言

朱侍郎致政南歸上特錫宴於玉津園仍詔兩

制三館並預其會以伸祖送輒賦詩美之

征輪軋軋出皇都行路咨嗟賢大夫天子特令供祖帳  
國門聊且駐驪駒舊僚送別傾三省御醴分甘倒百壺

下詔已聞推異禮乞言猶自渴嘉謨

上特詔荆南官吏  
歲時存問如有章

奏附驛  
以聞

馮公不是沈郎署賀老緣何歸鑑湖明主恩深

若為捨夢魂應繞博山鑪

元道宗弟兄東遊

王謝江東推世胄機雲洛下振才名忽思油幕從知去

便挈滕囊冒暑行高第自須求甲乙嘉招未用赴弓旌  
待看萬里搏羊角即是三秋聽鹿鳴朝彥賦詩爭送別  
藩侯置驛定相迎不知誰啖牛心炙又見清談一座傾

殿院卞侍御赴淮南轉運

卞近自淮右副運  
歸闕為計司判官

蒞庭治行推尤異梁苑聲華占上流早是都人避驄馬  
近陪計相運牙籌東南轉粟承新命淮海揚旌到舊遊  
騎置非時陳密啓壺漿幾處望行舟黃金刻印大如斗  
白簡飛霜凜若秋歲滿功成來會課多應便拜富民侯

省中當直即事書懷兼簡閣長李舍人

李公北門之望

稍濃

兩掖深沈大帝居  
紫微西省掌泥書  
天閣啓鑰趨朝後  
侍史焚香起草初  
五吏援毫才患少  
萬錢分膳食無餘  
鳳池荀令連賓閣  
騎省潘郎對直廬  
煙氣霏霏生屋瓦  
雷聲隱隱度官車  
滄波滿壁浮蘭橈  
脩竹當軒蔭綺疏  
南牆有董羽畫水舍人李程為之贊北軒有竹數百竿  
性懶無堪過叔夜  
思遲多病似相如  
繚垣直北銀臺路  
拭目看君侍玉除

中伏日省中當直

火雲烘赫臨中伏青瑣深嚴直右曹吏散階庭時縱步  
詩成几案獨揮毫相烏影轉風微起仙掌陰斜日漸高  
何處賜冰和郢酒誰人割炙動驚刀紫泥封詔防稽緩  
寒水浮瓜散鬱陶丞相憂邊稀出沐延英三刻豈知勞

七夕

東西燕子伯勞飛新月如鉤玉露垂河鼓天孫信靈匹  
鵲橋星渚有佳期穿針乞巧佇立久織素成章報答遲



定與黃姑享偕老晉宮休插柰花枝

胡祕丞知潯州

蘭臺進秩通閨籍熊軾臨民奉詔條風俗重尋南越志  
鄉關猶隔浙江潮懸知坐嘯謳謠洽更想行春意氣饒  
遠宦逢秋少悲吒潘郎玄鬢恐先凋

次韻和盛太博寄贈閭長宿齋太一宮之什

漢武親祈泰一壇國朝特祭領祠官羽旗搖曳晨曦上  
素瑟淒清夜漏寒駕鶴浮丘應暫下偷桃方朔合留殘

齋居數宿偏蔬食定憶中廚政事餐

次韻和集賢李博士中元日見寄

鳳池容出沐螭舍喜端居罷草芝泥詔閒看紫素書曲  
肱銷永晝行樂遶前除鬢換二毛近林凋一葉初香街  
連甲第席戶望朝車暫別同心友還嗟會面疎

次韻奉和知府溫尚書送致政朱侍郎十六韻

拜章納祿便歸休祕殿親辭十二旒閣筆罷批丹鳳尾  
拂衣初下六鼇頭非緣荆渚依劉表定欲箕山訪許由

北闕子牟終眷戀南朝安石本風流  
明庭顧遇違三接

別墅生涯治一丘身健寧煩策鳩杖  
心閒無復夢刀州

素風有子堪傳遺禪論將誰共對酬  
白壁賜多應尚在

黃金散盡不須留人欽雅譽芝蘭馥  
帝憶嘉言水石投

祖帳特令開上苑歸帆那肯待高秋

侍郎辭日上令待秋涼即路堅請便

行

幾程郵驛經濃暑千里山川見舊遊  
已是拋官玉堂

署尚思陪宴并榦樓時裁奏牘猶規諫  
旋寫丹經自校

讎鄉里高門表陰德國朝惇史紀嘉猷  
枌榆舊業須重

葺香火前緣莫廢修歲計將何資伏臘龍陽千樹木奴  
洲

鄭溥赴汀州判官

家近祝融峰登科遇至公悲秋雙鬢改佐幕十年中食  
藥心常苦占著命未通甌閩路雖遠荆楚俗多同投刃  
應餘地當樽莫暫空援毫如草檄又是愈頭風

次韻和宗人安期見賀恩命之什

分班曉入翔鸞闕直閣旁連浴鳳池綵筆閒批五色詔

好風時動萬年枝  
勒移鍾阜慙歸晚  
稱疾文園恨思遲  
何事吾宗心倍喜  
春塘夢徹寄新詩

早秋

楚客悲秋至庭柯  
一葉凋鶴天驚曉  
露蘭畹怯涼颼團  
扇流塵暗單衣爽  
氣饒江東菰米熟  
歸夢隔寒潮

義門胡生南歸

南國烏衣族東京伯始孫  
一枝須折桂六闕舊旌門  
歸思鱸魚膾離筵竹葉樽  
秋風正搖落楚客莫銷魂

首座昇大師赴西京知教門事

高論彌天四海聞久為龍象主空門雪峰傳法稱開士  
麟殿談經奉至尊香滿賜衣歸洛社苔封丈室寄梁園  
梵書貝葉應攜去齋罷與誰相對翻

度支梁諫議請病告以詩寄之

梁深於內典

經旬不謁未央宮宴坐將誰語笑同蜀郡相如非避事  
淨名居士欲談空門前賓客窺行馬篋裏方書拾蠹蝨  
西省舊僚疎會面頓驚鄙吝滿胸中

諸公於石氏東齋宴鄭工部分韻得秋字

并序

古者會友以文賦詩言志良辰美景胥遇幾稀銜杯  
漱醪其樂無量矧石氏二君克承堂構孝謹不衰榮  
陽鄭公傑出士林名聲籍甚以久要之契伸一獻之  
娛而我閭老昌武與二三大夫退食自公方駕而至  
乘秋高會卜夜縱談抵掌盱衡樽罍方洽我冠側弁  
星漢未斜將何以窮綺席之宴嬉盡金壺之漏刻盍  
賦一時之事各陳二雅之言物無遁形成抽秘思朝

多君子庶為美談云耳

楚客登臨處離懷重隱憂二毛初入鬢一葉早驚秋旅  
雁他鄉思悲茄絕塞愁憑何遣羈緒菊蕊滿杯浮

次韻和慎大詹中秋待月寄西掖三舍人之什

涼颼送殘暑秋色望中新天迴迷星斗宵寒待月輪境

同牛渚上詩寄鳳池人僚友東牀客冰清合許親

同舍薛公

即其愛婿也合  
預茲夕之會

成都鳳道人遊終南山謁种徵君



何年出蜀訪南宗，深鎖閒房翠蘚重。  
振錫忽聞遊地肺，題門兼得謁人龍。  
供吟一路高秋月，投宿斜陽遠寺鐘。  
到日彌天清論罷，徧尋紫閣與圭峰。

何大博知晉州

平明東省發魚書，便擁彤襜出上都。  
別酒金英泛籬菊，去程黃葉墮關榆。  
叔孫舊禮妨綿絕，廉范新歌待袴襦。  
滿腹經綸殊未展，歸來看踐赤墀塗。

孫寺丞知考城縣

府尹溫尚書，即孫之座主。  
又薦舉賢良方正。

早得東堂桂一枝凌雲詞賦漢皇知從軍久在紅蓮幕  
對策曾臨白玉墀霰雪陪遊應不晚絃歌為政莫嫌卑  
春官宗伯大京兆喜見門生趨府時

次韻和閣長修書畢退朝下直寄諸學士之什

名園甲第接康衢國典新成下直初庭竹碧鮮吟不足  
盤飧方丈食無餘爐中九轉神仙藥案上百函親故書  
仍說顏回今飲酒

閣長近  
日痛飲

秋來寧遣宴遊疎

威道人歸鄉

聞法靈山真佛子馳名南國本詩流  
二林曾有香燈約一鉢因為輦轂遊  
塵土化衣慵駐錫江湖收潦憶歸舟  
何年應制登麟殿犀柄談空對冕旒

弟偁歸鄉

吾家文雅占關西五十年來桂兩枝

自故侍讀尚書十五翁周顯德中登

第至永十六兄纔兩人

突弁後生還可畏羸金素業未應衰江湖

去為思鱸膾霧雨還歸養豹姿摩厲詞鋒莫中輟  
驚人專聽一鳴時

史館高司諫紳知華州

諫署纔聞滿歲遷分符便見入秦川  
援毫厭賦梁園雪緩轡閒看華嶽蓮  
竹簡汗青妨約史縑囊封草且論邊  
三峰洞穴多靈藥莫便拋官去學仙

武夷新集卷二

欽定四庫全書舊要卷一萬四千一百五十八

集部

武夷新集卷三

宋 楊億 撰

詩三

律詩四韻至二十  
二韻共七十首

送張蛻秀才

許田流寓因相識歲歷今移十二辰別墅已荒三徑草

城中舊居常所還往自  
徙於外邑已蕪穢矣

素衣猶化九衢塵懸瓢顏巷安

貧久泣玉荆山失意頻莫向明時便招隱重來須醉杏

園春

次韻和翰林師學士贈倫上人新居之什

一逕雨苔深新居雅稱心  
天花飄畫講池草伴春吟  
施食山禽下題門野客尋  
此中堪宴坐何必在雙林

李殿丞知廣濟軍

丞相之弟

鈎盾從來司六尚上林尋見總三官  
頒條忽去憑熊軾賜對還曾近露盤  
民瘼乍求應有術天倫少別不成歡  
陶朱舊邑無多遠魏闕歸心且自寬

章頻得解後之陝府謁嚴洪二從事

是年閏十二月

春闈猶隔閨逆旅苦栖遑忽爾遊分陝飄然出大梁  
食貧憂桂玉策蹇冒風霜杏苑歸期近棠郊去路長  
幕中逢舊友歲晚在他鄉雞黍且相對休嗟鬢髮蒼

路學士知河中府

一麾新自海濱還又佩魚符入故關千里山河臨劇郡  
九天鴛鴦別通班樓經往聖迴清蹕路接邊夷獻白環  
版籍素多田賦錯干戈初息羽書閒從軍上客彫龍藻  
佐酒妖姬墮馬鬟更遣府公吟思發中條新霽碧孱顏

即席賦得筆送宗人大著通判廣州

得毫字

著作蓬山局職司華衮褒已能成馬史何況夢江毫金  
勁雞搖距霜寒兔墮毛歸來批鳳詔弄翰莫辭勞

職方彭員外

惟節

知韶州

仙經舊得還丹訣郎位高分列宿光太守雙旌指南越  
使君千騎冠東方飲冰清白臨遐俗畫錦輝榮過故鄉  
曾是重華張樂地九韶聞處味應忘

宗人大著

令問

通判廣州



蘭臺大著作族派共關西南海分憂寄東門敘解攜離  
城衝臘雪宿館聽晨雞畫鷁江波遠鳴騶嶺路迷陸梅  
香已盡越鳥暖初啼入境風生扇行春柳拂堤殺青前  
事在飲水古人齊卧理應多暇無忘寄尺題

冬夕與諸公宴集賢梅學士西齋分得今夕何

夕探得雲字

并序

古者瀟湘之會實重故人西園之遊亦在清夜集賢  
梅君以神仙之胄處典籍之司佐地官之版圖居多

暇日奉穆清之顧問出必詭詞國家以西旅弗庭邊  
烽尚警欲得城郭之要領申命朝廷之俊賢難哉是  
行公中其選且有密旨未遑戒途雖飭使者之車已  
辭會府之政杜門終日端居鮮歡遂用解榻開樽集  
寮案於三署割鮮繼燭申宴樂於一時揮麈清談我  
冠屢舞杯盤狼藉星漢傾額因念夫飲酒者未嘗不  
始於治而卒於亂盍各吟咏以止諠譁於是迭出巨  
題互探難韻構思如湧弄翰若飛至於斷章曾未移

晷藻繡紛錯金石鏗鏘足以知周南變風誠二雅之  
可繼鄭卿言志豈七子之足多顧予非才獲陪高會  
形之序引深所厚顏云耳

今夕知何夕良交會以文燭花寒旋落漏滴遠稀聞酒  
面輕浮蟻歌喉細遏雲明河光未沒候管氣初分玉笛  
梅花怨金爐蕙草焚唯愁曙光發搔首歎離羣

鄭工部陝西隨軍轉運

西鄙撓槍未掃除營平慷慨請行初三軍粒食資心計

一月星郵待捷書宣室喜聞延賈誼茂陵久歎滯相如  
謗言盈篋親曾見反間千金計豈疎遺愛道傍喧竹馬  
先聲塞外懾穹廬馮唐莫歎淹郎署博望還忻擁使車  
隴右行收萬里地關中坐致九年儲牙籌羽檄皆吾事  
才又飄飄雨有餘

黃從事隨軍

買符來赴調負羽去從軍五夜聞邊角三時看陣雲樽  
前還料敵楯上更攜文手筆人多許須銘實憲勲

聞李四光丞頻遊北園因有懷寄

漢相沙堤連甲第石家金谷有名園  
雍容陌上臨邛騎  
潑艷齋中北海樽  
過閨已驚春色早  
離城殊少俗塵喧  
無由一寄南窻傲相望迢迢西掖垣

次韻和集賢李學士寒食即事之什

九達初旭滿輜軒  
寒食東風二月天  
陌上墊巾誰傲睨  
江邊解佩自嬋娟  
新粧幾處登牆見  
沈醉何人藉草眠  
豪俠追歡殊未足  
歸蹄躑躅夕陽前

和集賢李學士千字詩

千仞谿何險千倉稻已收出騎千里馬醉典千金裘千  
年河誕聖千樹橘封侯千鍾不及亂千錢坐上頭

妹婿黃補下第歸鄉

家風早占無雙譽

君即江夏之後

鄉薦曾居第一流崑嶺本期

爭片玉庖刀誰料失全牛風塵不住梁王苑烟水還依  
楚客舟應負男兒四方志故園歸去莫淹留

黃覺東遊

鄉關迢遞數千里，場屋蹉跎二十年。  
三獻猶垂卞和泪，幾人先著祖生鞭。  
風塵漫索長安米，禾黍全荒負郭田。  
關外賢豪徧投分，趙囊迴日滿金錢。

葉生歸縉雲

出門西望長安笑，抱璞來求善價沽。  
惟罄囊裝買羣籍，不持刺字謁當塗。  
鱸魚漸熟思歸切，羊酪初嘗得味無。  
送子東還重銷黯，我曾三載守仙都。

慧初道人歸青州養親

兼簡知州李太保

宴坐禪林度幾秋，忽思歸養指營丘。  
遙知北海孔文舉，應重江南湯惠休。  
畏日流金征路遠，長松偃蓋舊房幽。  
庭闈晨夕供甘外，高論彌天不易酬。

省中當直書懷呈諸同舍

太微西掖鳳池邊，阿閣凌空瓦起烟。  
綵筆時批尺一詔，直廬深在九重天。  
早朝螭陛爐香近，晝寢雞人漏唱傳。  
只恐承明難久戀，長安桂玉苦相煎。

王寺丞借西第避暑因有寄贈



滕公甲第冠神州，晝日青烟瓦上浮。  
南樹薰風偏解慍，北階萱草更忘憂。  
朝迴門閉人疑病，雨過涼生景似秋。  
角枕閒眠支體適，不知蝴蝶是莊周。

元道宗下第東遊

元氏昆弟子姪  
五人舉進士

舉宗文雅孰能陪，須信菰蘆出美才。  
失意不勞悲玉璞，投知應得上金臺。  
曉離村店侵殘月，晝歇津亭避疾雷。  
東道諸侯多重士，融樽處處為君開。

李四赴歙州

分直蓬丘未再期江東去去擁旌麾名通南省郎官籍

卷續新安郡政詩

好事者編新安前後太守所賦詩為三卷目之曰新安郡政詩見行於世

虎觀清風留汗簡鵠原高韻憶吹簫故人別後頻南望  
想見森森瓊樹枝

予以縉雲進士周啓明長書呈祕閣黃少卿黃  
頗歎重作詩六韻美之因次韻和酬

縉雲江外郡封略古甌中早被唐虞化已成鄒魯風剖  
符曾出守解榻值名公失意嗟場藿緘書附塞鴻擲金

才少敵泣玉恨還同後夜蓬山宿知君必薦雄

史館陳太丞知壽州

忽佩魚符下玉京長安廐吏駕車迎淮王舊地餘風物  
太史新書見姓名弩矢前驅殊覺貴河梁執別豈勝情  
小山叢桂圖經古白馬驪駒道路榮鵬海三千須擊水  
隼旗四十且專城長淮月色秋宵好應助詩人思轉清

錢大夫赴并州

太原西北勁兵處地直雲中控定襄六月出師平獫狁

九天選將下文昌車魚辟士應難得詩禮臨戎亦未妨  
緩急羽書須自草平安烽火鎮相望柳營稟畏將軍令  
毳幕懷來塞下羌清嘯肯饒劉越石長纓終係左賢王  
關山萬里胡塵靜亭館三冬朔雪狂笛怨梅花新度曲  
樽傾竹葉淺飛觴禦寒應覺重裘暖料敵懸憂兩鬢蒼  
只待今年破虜後微歸論道坐巖廊

次韻和表弟張湜秋霽之什

輕颺習習起青蘋宿霧全開霽色新高閣晴曦射疎牖

虛堂潤氣徹華茵，墊餘巾角曾衝雨。  
晦盡琴徽旋拂塵，楚澤潦收湖水白。  
歸舟遙憶洞庭人。

初秋夜坐

明河如練出城隅，朱火西流暑氣徂。  
顧兔一輪浮月桂，流螢數點入烟蕪。  
迢迢宮漏傳銀箭，浙浙天風下白榆。  
岸幘微吟自忘寐，披衣閒起遶庭梧。

秋日有懷鄉國

長安久客逢搖落，不獨悲秋更憶鄉。  
潘岳二毛行欲變，

淵明三逕已應荒書裁尺素鴻難託夢遶重湖蝶自狂  
遊宦十年歸未得塵纓却悔濯滄浪

問門錢舍人知全州

家傳吳越賢王後邵壓瀟湘最上游三殿從來奉宸扆  
一麾今去典方州蟬吟高柳隋堤暮水漲平湖楚澤秋  
入境壺漿填候館上官鏡吹夾華輶山川徧歷騷人地  
宵旰遐分聖主憂應向桑郊停五馬青春太守本風流  
次韻和章頻下第書懷之什

春聞三上敗垂成白雪新吟思轉清脩竹園中曾獻賦  
慈恩塔下未題名禹門燒尾他年事楚客悲秋此日情  
道在不須憂晚達搏風九萬是前程

七夕

金壺漏滴正迢迢靈匹相從在此宵月魄嬋娟烏遶樹  
河流清淺鵲成橋雲輕天上榆花沒風細爐中麝炷飄  
寂寞堪憐觀津女無眠耿耿望青霄

石硯

磊磊澗中石成形本一拳墨池遺號古筆陣用功偏

筆陣

圖以硯水為城池得在燕臺側採從崑崙巔剖非藏趙壁鍊合

補媧天偶自他山上來參絳帳前光榮登玉案揮灑助

花牋注水蟾蜍滴題詩玳瑁筵如何班定遠發憤使輕

捐

大理趙寺丞世長知益州華陽縣

帝選循良撫遠民由來百里應星辰征車蜀道聞猿苦

祖帳西郊落葉頻莫為割雞輕邑宰應須叱馭効忠臣



錦城自古繁華地好與風光作主人

詠醉

劉伶石五斗康成三百杯  
欹斜星弁側鬼我玉山頽  
人語蜩蟬沸天形帶幕開  
應知是狂藥何不學顏回

筆

月兔湘筠巧製全何人大手稱如椽  
禁中鈴索夜批詔閣上芸香畫艸玄  
墨妙三分慙入木華褒一字重編年  
史官遺直真堪畏千載獨持生殺權

孫樵云史官持生殺權於千百年後

夜宴

華堂高宴卜良宵賓客當筵半珥貂  
天轉玉繩星落落風傳銀箭漏迢迢  
連浮大白須判平聲醉促駕鳴騶又趁  
朝月落烏啼人散後衣香數日未能銷

張充下第隨桂陽喬監使之湘中

建溪曾共聽猿聲十載文場未策名  
流落只應孤劍在窮愁已有二毛生  
荊州暫去依劉表漢殿無由薦馬卿  
一路騷人舊山水登臨且莫動歸情

庭榴

得種從西域移根在帝鄉  
鮮葩猩染血美味蔗為漿  
入獻殊諸果敷榮後衆芳  
丹房高照日綠葉半凋霜  
釀酒

扶南國

扶南頓孫國人取石榴汁浮盆中數日成美酒

題詩白侍郎

白刑部詩云唯有安

石榴當軒留寂寞

濃陰兼茂實相對度炎涼

水部何郎中知鄂州

褒博衣冠漢大儒三千奏牘到宸居  
郎官起草歸華省女史焚香伴直廬  
出守新恩龜顧印趨朝舊路雉隨車

便分符竹從鸞掖應有壺漿待隼旗賜對移時親斧扆  
隨行兼兩載圖書淮南落木搖鞭裡湓浦分風挂席初  
郡閣平窺漢陽樹盤飧頻薦武昌魚聚徒南郡傳經盛  
攜妓東山退食餘天闕九重懸夢想江關百戰見丘墟  
清曹祖德詩人後時寄新吟一起予

可久道人之歙州兼簡知郡李學士

獨攜餅錫新安去寒雨西風落葉頻江水淺深清見底  
山程高下險推輪社中香火延開士肘後方書濟俗人

鄉樹再尋南國路，禪房空鑱帝城塵。  
舊傳心印都忘念，自有衣珠豈患貧。  
四衆仰瞻誰見頂，千家應供定分身。  
宰官多結空門友，外護須依守土臣。  
想到臨川逢內史，翻經相對一嚙伸。

內經有師于  
嚙伸三昧

大理黃丞

宗旦

使潁州

募民  
墾田

祥刑新佐張廷尉，出塞曾隨霍冠軍。  
露版裁書頻倚馬，甘泉獻賦舊凌雲。  
幾瞻龍象堯階側，暫駕星輶汝水濱。  
百萬提封周制復，三千奏牘漢皇聞。  
依蓮幕府游從近，

聚米山川向背分迴日受釐宣室對又應前席動吾君

劉太丞

仲宣

歸華山

坐事削除詣  
闕自陳不報

早年通籍蒼龍闕近日移家仙掌峰方朔上書殊未報  
平津開閣杳難逢騷人章句多懷古陶令田園且養慵  
近郭離筵黃葉滿舊山歸路白雲重洪崖餌木修丹竈  
叔夜援琴對酒鍾應待輓輪徵入覲受釐前席始從容

表弟章廷評

得象

知邵武軍歸化縣

幾年索米住京師新得東堂桂一枝宰邑絃歌循吏政

還鄉雞黍故人期于公陰德知終大萬石家風喜不衰

毛義動容初捧檄太丘積德舊刊碑

得象大父嘗宰茲邑甚有遺愛

甘

棠二紀民猶愛苦藥三年吏不欺

此並建先正之德

桑梓經過

身畫錦庭闈扶持鬢垂絲元方惠化傳道鐸

得象兄得一宰乾化

今為隣境令伯歡心獻壽卮

得象祖母年八十餘扶持之任

邦境中分同魯

衛政聲相應似塤篪嘗思竹馬遊從日又見風鵬奮擊  
時執手勉君勤素業歸來更直鳳凰池

次韻和李光丞見惠長條之什

貂裘已敝洛陽塵空有陶家漉酒中雙闕金章奉朝請  
小齋紗帽養天真久持梵行稱居士猶掌王言作侍臣  
惠我長條識君意欲教蓮社伴遺民

秋雨有懷李寺丞

潤氣先從柱礎知寒宵滴滴助秋悲桐圭遶樹多黃落  
苔錦緣階更碧滋爽徹衾裯慵就枕涼生牋管欲題詩  
高陽舊侶相思否此景誰同把酒卮

王廷評

臻

知廬州舒城縣

臻汝陰人



潁水生賢自古奇  
西遊聲價滿京師  
梁園獻賦天將雪  
潘縣臨民鬢未絲  
南浦消魂分袂處  
北堂獻壽捧觴時  
到官卧治成高趣  
終日清談吏不欺

大理徐寺丞

元榆

知越州諸暨縣

子山詞賦動南朝  
近佐名卿掌玉條  
治邑還持麈尾柄  
攜家便汎木蘭橈  
謝塘春晝偏多思  
潘鬢秋風苦未凋  
種秫公田供醕酎  
彈琴官舍助逍遙  
去程千里隨賓雁  
宿館三更聽落潮  
聞道臨安有仙穴  
莫拋印綬採芝苗

次韻和錢崇班見寄之什

蘋末風輕不動塵  
承明朝罷見閒身  
從容退食收芝檢  
迢遞驅車訪玉人  
酒貫十千那惜醉  
丹封六一已應真  
春塘麗句偏相寄  
傳誦朝來滿搢紳

次韻和錢崇班再寄之什

祖禰勤王國  
史褒傳家自有呂虔刀  
雄豪結客敗燕俠  
慘慄悲秋笑楚騷  
奕世勲名金鉞貴  
出羣風格玉山高  
詩中敏手兼無敵  
射落霜鵬釣得鰲

盛京宰單州武城縣

父豫任度支部中  
弟玄任屯田員外

子男印綬諸侯秩鄒魯閭閻太古風  
兔苑勝遊拋霰雪  
琴臺善政繼絲桐  
征途朔吹貂裘暖  
祖席清歌蟻酒空  
令弟嚴君俱應宿  
時瞻懸象向南宮

次韻和并州錢大夫夕次豐州道中見寄

漢將從天下胡兵  
值月殘孤煙戍樓迴  
密雪戰袍乾向暮  
三吹角臨風一據鞍  
邊城賴經略重取地圖看

董溫其赴淮南幕

工部王尚書知揚州

歲晏梁園密雪飛出關猶憶棄繻時屬韃正是從軍樂  
插羽那憂草檄遲陪宴初筵揮玉柄從遊別墅騁金羈  
府公維揚有別墅焉只應偏啖牛心炙自此聲名漢殿知

史館凌職方知廣州

曾任嶺南轉運

番禺出守重漢殿拜恩初華省郎官宿名山太史書剖  
符從瑣闥持節上軺車左顧金龜印前驅畫隼旗由來  
百粵地曾督九年儲卉服要荒外棠陰惠愛餘齋裝天  
子賜封部島夷居羽檄招溪洞壺漿慰里閭國風今已

變民瘼到應除江海思歸否蓬丘有直廬

十二月四日大雪就賜近臣宴飲即事

向夕同雲布海涯豐年呈瑞在京華相如賦就梁王苑  
穆滿歌傳阿母家農畝三冬偏積潤朝衣六出旋成花  
天恩錫宴醉歸處幾里香街覆玉沙

章琮赴廣州東莞簿

抱璞曾三獻悲秋忽二毛十年嗟不調一命尚徒勞互  
市通鹽貨公田入海濤貧泉雖酌飲未肯染脂膏

文慧大師歸蜀

南宗傳法了漢殿賜衣新歸路峨眉雪舊房京洛塵天  
花飄講席海月照吟身誰結香燈社金門貴近臣

大師  
即西

樞給事中  
空門之友也

王中庸赴河南鞏縣尉

春風祖席引香醪白馬驪駒草色袍官舍前臨兩京道  
居民半雜五陵豪卑飛碌碌猶棲棘餘地飄飄暫鼓刀  
捧檄初同昔人喜不應搔首歎徒勞

比部朱員外知東明縣

比部以親老上言凡再宰是邑即其故里也

宰邑承顏帝澤優春郊數舍躍驂騶弦歌平昔有遺愛  
桑梓依前訪舊遊鄉里歸時榮畫錦庭闈到日潔晨羞  
陶潛未省荒三逕班嗣何因樂一丘蘭長謝庭傳賦詠  
花開潘縣占風流薰爐綾被餘香馥省闈沈沈侍史愁  
咸平六年二月十八日扈從宸遊因成紀事二

十二韻

步輦下明光鳴鞘出未央屬車多載酒夾道競焚香雲

管飄梅吹蜺旌錯鳥章從臣沙苑馬衛士羽林槍玉輅  
天行健金壺晝漏長光風汎蘭蕙仙霧拂旂常宿雨收  
林薄晨曦豔屋梁閭閻空里巷旌罕隘康莊託乘奉珍  
使先驅執戟郎從橋初轉轂憑軾見垂裳暫駐時龍馭  
前臨戲馬場由來講武事所以服遐荒電影流機石鶚  
羣發大黃

是日御講武臺觀  
放拋石及發連弩

千鈞寧覺重七札豈曾妨

卒勇如虓虎人觀若堵牆腰鞬晉元帥扈蹕漢諸王聊  
用誇胡客還聞龍鬼方迴輿百里圓錫宴九霞觴射以



騶虞節歌為白雪倡仙山鯨海上御苑斗城旁周鑄歡  
麇鹿虞韶集鳳凰瑤池春水淥猶誤濯滄浪

僕射李相公宅觀花燭

時納狀元  
王曾為婿

孫問相君和鼎貴秦樓愛堦坦牀賢東方千騎還居上  
南極三星正在天路入桃源花爛漫橋橫銀漢水漪漣  
乘龍擇對真無比月桂宮中第一仙

竇詠從淮陽軍

故尚書  
儀之子

名題仙籍廣寒宮負羽從軍意氣雄萬石世家標國史

孔璋書檄愈頭風狂翻竹箭春波急滿酌榴花別酒空  
腰佩吳鉤衣楚製柳堤千里躍青驄

廉上人歸天台

廉公與秘閣  
黃少卿相善

舊住赤城華頂峰挂巖芝崦白雲重彌天曾共習鑿齒  
入洛因尋陸士龍寒燭伴吟經臘雪雨花開講過晨鐘  
浮漚一念歸心起本寺房前見偃松

次韻和李寺丞見寄之什

時宿齋太一寺  
丞遠致美貽

雲章承詔祀高穹夜聽空歌宿絳宮正怯龜腸終日內

忽傳鶴信五城中八珍伊鼎鹽梅味

李君相門之後

九夏堯廚

兼蒲風

暄暑之辰頗甚馨潔

苦恨齋居方慎獨朶頤大嚼與誰同

次韻和右巡李端公見寄之什

時立夏宿齋太一宮

首夏修時祭齋居貴洗心神光浮漢時薰吹發虞琴偃  
樹枝成蓋豐碑字有金秘文窺寶錄榮路厭朝簪捉麈  
思嘉話烹魚得好音迴瞻栢臺署佳氣九門深

大理黃丞

宗旦

通判潁州

曾隨征虜出蕭關又案公田汝水灣南畝萬箱增地利

宗旦奉使汝陰募民墾田近千頃

西清三刻對天顏一麾通守彤襜貴

九棘評刑赤筆聞閭里歡迎舊從事隨車雨氣自應還

陳小著

從易

知邵武軍

奏牘金門奉帝俞平明鸞省剖銅符北堂送喜應占鵲  
南國思歸不為鱸歲月天涯鄉樹老煙波江上客帆孤  
會稽友壻堪羞死邑令今來負弩驅

譯經總持大師致宗之泗上禮塔

早傳心印得衣珠不學聲聞證有餘犀柄屢登三殿講

琅函新譯五天書蓮華塔下焚香去竹箭波間解纜初  
隨順世緣無所住經行宴坐自如如

歐陽使者監和州軍

父以老病出為和州團練副使因上言求侍親乃有

命是

新剖牙璋出護軍使車歸養指江濱綵衣楚國老萊子  
白首長安萬石君虎眼波狂征棹急鱸魚膾美壽杯醺  
東南極目無氛祲不假橫戈看陣雲

胡小著

克順

知泉州惠安縣兼過南昌別墅

平明束簡下蘭臺海縣鳴琴亦滯才厭說風塵住京洛  
貪看雪浪架蓬萊楚江歸思鱸魚膾隨岸離筵竹葉杯  
通德舊居旌闕在遼東鶴馭少徘徊


武夷新集卷三

謹案卷二第三頁後七行陳琳巧書檄原本檄訛  
放今改

卷三第十九頁後五行雨花開講遇晨鐘原本  
晨訛中據別本改







總校官庶吉士

臣

張能照

校對官編修

臣

閔惇大

謄錄監生

臣

宋維翰

欽定四庫全書薈要

集部

武夷新集卷四

五



詳校官助教臣常循

欽定四庫全書薈要卷一萬四千一百五十九

集部


武夷新集卷四

宋 楊億 撰

詩四

格律詩二韻至三十二韻共七十首

內當

 初熟詔書成紅葉翻階晝景清屋瓦生烟宮漏永  
時聞幽鳥自呼名

讀史綴白體

易牙昔日曾蒸子翁叔當年亦殺兒史筆是非空自許

世情真偽復誰知

閨思

征夫萬里成交河塞外蕭條朔氣多古壁暗蛩催夜織  
朝來一葉下庭柯

李御史

清曉乘驄出九達內朝簪筆坐前墀天家御史非凡格  
曾向崑崙服衆芝

王殿丞

舉

通判桂州

科名得玉向崑丘家世長淮入海流通籍殿中鈎盾省  
頒條嶺外桂林州漢皇前席期清夜楚客歸帆指素秋  
父老歡聞鄰郡政

前知賓州

壺漿千里待鳴騶

大名溫尚書之任

罕雲樓堞古銅臺幕府池塘菡萏開畢萬山河千里迴  
亞夫鐘鼓九天來屬鞬前隊射雕手載筆初筵倚馬才  
命將文昌非細事星光昨夜動昭回

喜賀梁三入翰林

六鼇雲海冠蓬萊玉署深嚴枕斗魁漢殿論兵得頗牧  
唐宣宗嘗夜召學士畢誠論  
兵因曰不意頗牧在吾禁中  
梁園作賦掩鄒枚趨朝御  
案香盈袖侍宴仙莖露滿杯五色天書看視草懸知獨  
有長卿才

次韻和昭侯立秋見寄

雲峰半斂火西流桃簟微涼忽報秋飲露吸風齊女怨  
登山臨水楚人愁珠喉倚瑟華堂暮挂燼薰衣別院幽  
美疢已平休沐近會應投轄一相留

弟伋歸寧

一夕西風木葉飛長安久客念庭闈去隨塞雁銜蘆遠  
歸值家雞啄黍肥負郭生涯同季子澄江詩景屬玄暉  
帝城紫陌多塵土免化輕雲白紵衣

景陽諫議赴餘杭

溯水東西兩節旄君今於此握戎韜油囊仙姥流霞酒  
鱖穴靈胥白鷺濤盤石起家傳典訓翹車開幕聘英髦  
子牟江海終非久刺鱸鱸魚把蟹螯

杭州嚴從事已

柳岸蘭橈片席飛  
秋風澤國季鷹歸  
幕中蓮渚紅衣脫  
江外蓴羹紫線肥  
十部須知從事貴  
雙魚莫遣尺書稀  
西陵正接家山路  
試為因人問釣磯

鄱陽皮錄事

松陵遺集占風騷  
故國田園沒海濤  
三世青氈傳舊物  
五百卷三世有集十年黃綬歎徒勞  
謝塘春草侵魂夢  
潘縣秋

霜入鬢毛鄱水黃金漫  
如粟想君終不染脂膏

漢書地理志云



鄱陽出  
黃金粟

史館楊岫學士以詩話及空門之事次韻和之  
雙樹金言付囑頻閻浮外護託王臣誰知天祿草玄客  
曾是靈山受記人

諸暨簿張慈

張慈閩人有聚書之癖事祖母九十餘

新官佐邑近閩禺令伯歡心就養初暫住梁園慵獻賦  
因經禹穴更探書忘機海國親鷗鳥寄信京華託鯉魚  
迴日殺青兼兩載想君清俸亦無餘

次韻和昭收寄銀臺李舍人之什

柱下方書掌事機，深嚴侍從接論思。  
歸鞍通德香街迴，前席延英晝漏遲。  
菊徑頓踈陶靖節，月樓偏憶庾元規。  
華堂宴集應難去，玉斚醇醪滿勸誰。

送吳航

井臼荒涼旅鬢斑，經年索米住長安。  
囊中賣賦金都盡，衣上悲秋淚不乾。  
客路飄蓬殊未定，侯門置醴豈成歡。  
擔簦忽起東遊興，庭樹西風昨夜寒。

并州王諫議

瑣闥聊輟阜囊封書錦還鄉意氣雄別墅揮金延父老  
近郊騎竹見兒童蒲盧善化終成政蟋蟀深思未變風  
更待出師平黠虜戎衣獻捷大明宮

奉和翰林諸公賀閣長李公領銀臺之什

西漢公車主上章官曹秘邃接明光天書時草鳳凰詔  
邊奏親開赤白囊咫尺青規頻借筯離披金藥阻飛觴  
瀛洲仙侶相期處銅馬門中白玉堂

姚起居赴兩浙轉運

吳會商功利蓬丘輟史臣同僚供祖帳屬郡望行塵富  
國催流馬編年廢獲麟橐鞬二千石襦袴幾州人名姓  
丹臺籍封疆析木津片言空狴獄密啓到鈞陳且運方  
船粟初嘗千里尊江山助詩思新詠掩汀蘋

集賢劉工部

隲

知衡州

仁里古湘川頒條命雋賢腰垂丈二組身下九重天山  
水登臨思庭闈喜懼年官曹郎位宿衣袂御爐烟記事

成新史賡歌有雅篇為貪驅弩矢不從汎樓船  
治道山陰卒離羣藏室仙衡陽無過雁尺素若為傳

魏奉禮

昭文

知吉州龍泉縣

故少卿咸熙之子

平昔登龍坂因緣識玉人  
庭中華轂滿膝下綵衣新  
少列悲先露高堂泣累茵  
嘉賓碣館閑遺業寢邱貧  
弓冶傳家久弦歌宰邑頻  
循良同漢吏惠愛及齊民  
又出夷門去還臨瀨水濱  
不須輕百里自古應星辰

作坊魏使知隰州

幾年供奉宣徽殿 一旦腰懸刺史魚  
戚里園林甲京洛 將壇家世閱詩書  
離筵惜別空銀榼 官舍思歸夢玉除  
四十專城誰不羨 驂驔千騎擁干旗

司農纘少卿知洪州

太農搜粟漢名卿 千里江西擁旆旌  
腰下金龜三品綬 手中銅虎八州兵

江西舊管八州

屬韃牧伯趨庭見 騎竹兒童

塞路迎

前任江南轉運使

洪井主人今重士 肯教懸榻有塵生

送邵梁秀才

君家罨畫溪歲晚忽思歸密雪不獻賦流塵空化衣購  
書藏屋壁溫席奉庭闈清世莫招隱垂天待一飛

訓秘閣黃少卿因見所作洞霄宮碑且有題記

譙郡增嚴李母祠神龜矯首負金碑豆萁已乏不休思  
蜚曰兼無絕妙辭翠琰雄文慙內史

隋內史薛道衡有老君祠庭碑

黃

庭美翰枉羲之

翰林裴待詔奉勅書

蓬邱麗句偏相許勝得山龍

袞服披

弟儋歸鄉

客兒詩思揜春塘杖策來觀上國光舉白萬錢酤酒飲  
殺青千卷買書藏梁園綠篠將敬雪楚岸蒼葭已變霜  
躍馬還家那隔歲預應乾鵲報高堂

弟伸歸鄉

澤國思歸詠采蘭束書攜劔出長安天涯朝暮倚門望  
歲晏風霜行路難關嶺夕嵐鄉樹老楚江寒浪客衣單  
巖前舊勒移文處到日重須拂蘚看

王尚食知鳳翔

曾領延安



露冕分憂輟近班  
朝陽鳴鳳古岐山  
三刀吉夢頻為郡  
駟馬高車又出關  
宴客羽觴那有筭  
題詩綵筆莫教閒  
將壇義府平生事  
早立邊功振凱還

福州古田宰李堪

由來百里應華星  
何況牛刀乍發硎  
五柳不須輕印綬  
七閩聊且訪圖經  
雪天暢飲連浮白  
海縣抄書剩殺青  
公暇好裁封禪頌  
聖皇將欲駕云亭

黃旦宰江州德化縣

外臺論薦達乘輿花縣弦歌製錦初氣直公車曾諫獵  
政清官舍舊懸魚二林重結遺民社五柳閒尋靖節居  
好繼謫仙留絕唱雲屏九疊倚晴虛

李白廬山謠有屏風九疊雲錦張之

句

贈文照大師

讀徧龍宮七佛書一塵無念得衣珠金園講席天花滿  
沙界禪心水月孤擁衲夜霜凝屋瓦閉關春雨長庭蕪  
公卿半是空門友鉗錫因循寄上都

慎大詹以吳柑見貺

龍陽休說木奴洲  
震澤黃柑占上流  
承露玉漿仙掌曙  
亞霜金顆洞庭秋  
香黏素手吳娃麗  
冷滌朝醒楚客愁  
應似荔支催入貢  
隨河飛鳥逐鳴騶

秘閣舒職方知舒州

西崑冊府控千廬  
鉛筆多年校魯魚  
厭享雙雞太官膳  
貪乘五馬使君車  
明光畫省辭青瑣  
天柱仙壇訪紫書  
只恐政成拋印綬  
攜家深入白雲居

夜宴

玉壺春漏咽銅龍畫棟塵飛曲未終樽酒淥醅和蟻汎  
牕燈紅焰隔紗烘水沈烟裊風微起霜檜陰圓月正中  
苦恨當關催夙駕平明入謁未央宮

陳太博知建州

夢筆山連化劍津兩鄉人看錦衣新北堂滄漣三牲膳  
南陌驂驛五馬塵畫角聲殘鈴閣暮露芽香細茗園春  
甌閩自昔多名士誰是賢侯席上珍

再別陳建州因以抒意

北闕多年作侍臣，一枝烟雨憶南閩。  
留連五鼓趨丹禁，近拜章求解職領郡上不允所請健羨雙旌擁畫輪。  
離畔菊荒環堵宅，

山中鶴怨未歸人。州民刺字空漫滅，目斷東方千騎塵。

梁四諫議知鳳翔府

幾日銀臺閣副封，岐陽西顧委秦中。  
函關叱馭經天險，函國聞雞接土風。  
雲幕杯盤三省近，星郵章奏九門通。  
下車卧理應無事，莫遣融樽酒暫空。

錢易赴蘄春

名重星垣試官閒月寺中竹符千里郡花浪一帆風塵  
隙駒從度霞觴酒莫空公堂封筆塚郵舍遞詩筒騷客  
休懷楚詞臣合薦雄長庚謫仙骨須入抃鼇宮

福州張從事

萬人都督古閩州幕府旌門映碧油閫外依蓮滯英俊  
樽前噉薤占風流犀燈照水窺龍劍鯨浪噴空見蜃樓  
暇日登高賦滄海添鹽堪為昔賢羞

元淨上人之新安謁李學士兼遊廬阜

雙闕重城到幾迴  
兩遊千里忽浮杯  
黔江春水淺深綠  
廬岳夏蓮傾倒開  
謝守同翻貝葉字  
湯師獨占碧雲才  
舊房京寺門空閉  
坐榻凝塵砌長苔

京府獄空降詔因寄大尹學士

長安惡少罷探丸  
桴鼓聲沈禁網寬  
三尺舊章閒玉律  
八行優詔下金鑾  
帝臨宣室方前席  
民值唐年恥畫冠  
終日訟庭無一事  
早調伊鼎佐湯盤

葉秘書

溫

知蜀州江原縣

前任嘉州從事自  
合記授此官

秘省丞郎出字人  
錦江偏好濯纓塵  
酒壚千古風流地  
花縣三年爛漫春  
白羽豫州慵草檄  
青天蜀道厭推輪  
巴猿杜魄驚鄉夢  
莫遣霜華鬢畔新

和訓秘閣錢少卿夜直見寄次韻

甘瓜朱李郢醪濃  
素綆銀牀蔭碧桐  
賜第舊連丹鳳闕  
直廬今在未央宮  
承雲仙掌延年露  
轉蕙薰絃解愠風  
此夕蓬山好逃暑  
月軒清話恨難同



送石枕與參政王給事

雄道人  
所惠者

千古碧潭秋水骨  
琢成孤枕冷於冰  
因為江外朱輪守  
得自林間白足僧  
月幌光寒吞桂魄  
暑軒氣爽壓梅蒸  
奇章好尚非流俗  
願向蕭齋代曲肱

黃小著

震

知興元府南鄭縣

藏室仙郎罷屬辭  
暑天驅傳出京畿  
流年兩鬢生華髮  
宰邑全家住翠微  
九折坂長須叱馭  
三聲猿苦莫霑衣

古詩詞云巴東三峽猿  
鳴悲猿鳴三聲  
霑衣

金門薦鶚知音在

政事夕郎太  
原公常抗章

稱  
薦不到瓜時捧詔歸

陳堯拱廷評致仕歸蜀

西樞給事之兄也

一家今有十朱輪獨憶雲山欲退身天邑繁華行樂厭  
月曹清要命書新西風躍馬經秦甸東道椎牛饌孟鄰  
秋稼萬箱僅百指羲皇之上更何人

史館趙祠部

況

通判宿州

況時被病堅乞外任

風流華省含香客籍甚先朝奏賦人竹使三年勞佐郡  
柳堤千里待行春文園避事心長笑天祿讎書鬢漸新

帝念河渠在封部特緣經義委名臣

西漢平當以經明禹貢領河堤

擇良上人歸天台

片席然犀經水府幾程登陸望霞標吟情晚日繁雲合  
歸路秋風密葉凋行道六時廬嶽漏浮杯千里浙江潮  
舊房宴坐觀空後香積多年飯頓銷

表玄師歸縉雲有懷故雄閣黎成轉韻六十四句

枯蒼古名郡生齒三萬家我昔自仙殿捧詔臨軍牙清

心治期月訟息民無譁雄公真大士宴坐縣歲華駕言  
造梵宇室邇驚人遐迎門虎溪屐布地牛頭花庭松偃  
翠蓋澗泉漱金沙坐聞獅子吼歸恨跋烏斜驛召還上  
都騰裝卽脩路別師黃金園贈我碧雲句我歸步赤墀  
代言紅藥署彈指知苦空觀心得降住藏識慙宿薰輪  
迴悲晚悟折簡問南宗寄言滿紺素絕念契真如忘筌  
離文字刼燒雖洞然龍華決同遇師名達宸扆恩詔頒  
方袍歡喜黑白衆蕭衰霜雪毛毗邪見有疾示身如幻

泡雙林忽歸寂人天但哀號堆案遺札在滿鉢香飯銷  
只應伸臂頃未覺他方遙犀柄挂空壁雁塔千層霄七  
返暫來去四大非堅牢口占成尺題手澤著紙尾親遣  
上足師浮杯渡江水雲朵搖筆精玉音鏘里耳遺我方  
石枕斑文剪霞綺諭我求菩提心堅正如此愴然悲夢  
形汎濫泪盈背上足今去歸焚修益勤止當續祖燈明  
無令社蓮死

蘇寺丞

維甫

知簡州陽安縣兼攜家之任

神雞縹碧馬金精西海桑田一掌平  
首宿度關風漸勁  
萼苔登棧雨新晴  
琴齋盡室無歸夢  
錦里當壚奈宿醒  
塵柄清談且為政  
莫貪藹賢學論兵

宿齋太一宮答李寺丞次韻

秦時齋居肅梧楸  
蔭繚垣露葵深得味  
風鐸乍成喧綠  
髮松喬侶丹經  
黃老言心期阻良久  
蝶夢繞朱門

建溪十詠

并序

太常高博士

惠連

典建安郡自郵中以所賦十題為

寄僕桑梓之地耳目熟焉不勝起予因亦繼作

武夷山

靈嶽標真牒孤峰入紫氛  
藤蘿暗仙穴猿鳥駭人羣  
古道千年在懸流萬壑分  
漢壇秋蘚駁誰祀武夷君

北苑焙

靈牙呈雀舌北苑雨前春  
入貢先諸夏分甘及近臣  
越甌猶借淥蒙頂敢爭新  
鴻漸茶經在區區不遇真

陸羽茶經

不述建溪蓋未遇真茶也

朗山寺

層巒連近郭，占勝有招提。  
宿霧昏金像，飛泉濺石梯。  
鐘聲空谷答，塔影亂雲齊。  
千騎時來此，尋幽獨杖藜。

陸羽井

陸羽不到此，標名慕昔賢。  
金鉞垂素綆，石甃湛寒泉。  
百汲甘寧竭，千金志不遷。

吳隱之有一飲懷千金之句

真茶汎雲液，一

飲可延年。

梨山廟

李頻也



唐季臨茲郡生祠已薦馨馨詩傳樂府廟貌載圖經  
畫壁流塵暗金碑古蘚青細民時請福撾鼓賽遺靈

勤公亭

危亭壓波面屹若杵靈鼇浮蟻醕顏數飛鴻送目勞  
吏園披簿領僧伴話風騷何日登懸榻州民刺有毛

大中塔

雞園開淨土雁塔倚寒空風鐸和清楚晴幡映彩虹  
香花傾海國金碧擬天宮絕頂登臨處谿山一掌中

仙人洲

相傳梅福於此上升所乘馬還墜後人因號墜馬洲

寒潭吞別派孤嶼屹中流昔有駭鸞客因名墜馬洲洪  
波長赴海碧樹幾經秋城郭何年變空聞鶴語愁

延平津

積水深無際神龍此屈蟠媚川珠彩動射斗劍光寒燕  
脯誰能寄犀燈豈易看負圖當瑞聖何苦墊洪瀾

毛竹洞

洞門生異竹冉冉接同亭石迸狂鞭怒霜封密葉青  
實

應容鳳食杖欲變龍形逋客歸何日巖阿已勒銘

因與西廳參政侍郎弈棊予輸紙筆硯三物以  
詩見徵屬宣毫適盡但送蜀牋端硯繼以此

章

多年燥吻蒼苔砌禿盡江南石上毫五色蠻牋猶有剩  
一拳端硯豈勝勞蕭齋幸預設賓末謝野深降爽思高  
微物供堂方猶豫丹青筆下枉風騷

又以建茶代宣筆別書一絕

青管演綸都已竭文楸爭道恨非高輒將北苑先春茗  
聊代山中墮月毫

遊王氏東園

名園聊得拂塵衣深入春叢一逕微萬樹未饒金谷富  
百畦猶有漢陰機青蘋風暖天雞出文杏巢乾海鷺歸  
向晚鳴騶九門路柳堤回首獨依依

送僧歸蘇州

說法雄音敵海潮一棲京寺葉頻凋水田三事衣將敝

香積多年飯頓銷，忽憶虎丘飛夢到。  
更聞蓮社寄書招，好傳祖印歸南土。  
莫遣宗風漸寂寥。

送僧歸越州

舊房稽嶺鑱春苔，猿鳥歡迎振錫迴。  
花雨六時飄講席，樵風千里送浮杯。  
一乘了義剗心學，三藏真文盥手開。  
跡似孤雲本無滯，飄飄新到帝鄉來。

張泌東遊

玉籍參差未策名，東遊聊得拂塵纓。  
長亭酒盡驪歌闋。

下榻波狂鷁棹輕澤國鱸鱸懸夢想戟門羅雀斷逢迎  
秋期莫到槐花老待聽新文擲地聲

喜王虞部賜進士及第

時知鄭州奉詔  
乘駟赴聞喜宴

中臺高應列星文千騎驂驛擁畫輪起草已誇雙筆健  
登科更占一枝春龍津召宴芝泥濕雁塔題名麝墨新  
只待甘泉重奏賦彩纓長奉屬車塵

送章四十舅翁東歸

鄉黨共推賢干名二十年早懷荆岫璞遲下祖生鞭敢

諫書無報徒行履欲穿聖朝公道在搔首賦歸田

范儀下第東歸

君住武夷鄉思歸便促裝溪鱗絲縷細園茗露牙香雷  
火悲三上金錢困一囊長纓塵土滿會待濯滄浪

武夷新集卷四



欽定四庫全書薈要卷一萬四千一百六十

集部

武夷新集卷五

宋 楊億 撰

詩五

律詩四韻至三十韻四十六首  
挽歌二十二首樂章四十五首

送章頤寺丞之巴陵

涪陽從事有嘉聲外計封章薦姓名再命便為千室宰  
于飛又出九重城腰懸銅墨才猶屈吟對江山思轉清  
楚客十年偏遂意秋風滿筯紫萸羹

外弟張湜西遊

六年隨我客梁園兩上孤飛徹九門抱璞有瑕惟嘆命  
泣岐無託更銷魂秦關百二聊乘興漢牘三千待叫閭  
赤日炎風兩京道文章滿腹與誰論

章羣下第東歸

卓犖修詞有古風計偕西上劇飄蓬梁園失意三春月  
閩嶺思歸一畝宮且喜還家儀舌在莫嗟為客趙囊空  
九天下詔崇儒術好絕常編待至公

賀資政學士王侍郎

漉懇青規動帝心  
秋曹月殿寵光深  
論思東序清閒宴  
偃息西崑翰墨林  
私第藏書皆有副  
公庭種竹待成陰  
卧龍禁闥應非久  
救旱還須起作霖

表弟廷評章得象知信州玉山縣

懷玉烟霞接武夷  
我思祖德涕霑衣  
縣齋製錦留遺愛  
庭樹藏鐸長舊圖

開寶末大父宰是邑予生於縣齋

彭澤公田今已廢

遼東邑子半應非  
津亭送別空搔首  
籍在金門未得歸  
梁大諫自鳳翔乞留臺寄詩言志次韻酬之

聯飛仙掖舊心朋

予雲云朋而不心面朋也

笑我池籠出未能文陛

影纓空自愧香山  
鵠屐與誰登  
託身羿穀憂危甚  
引領黃陂鄙  
恹增二室風  
煙莫全占  
會須携手躡雲層

石殿丞通判濮州

龍虎遊從分不疎  
忽聞新命佐魚符  
經旬苦雨淹行旆  
幾曲洪河貫郡圖  
浮蟻酒濃頻舉白  
折膠風勁好彎弧  
賢侯東道歡相得  
期月民謠待袴襦

元奉宗宰績溪

遊梁度幾春時譽藹天倫家寄汀蘋久名題桂籍新溪  
鱗清可數澤雉到應馴黥歛非難治民風自古淳

李工部江南轉運

含香五字客尚齒十年兄舊奏梁園賦新題漢柱名出  
驅星使傳入佐地官征獻可方前笏分憂又抗旌富饒  
令澤國佳麗古臺城錯節投刀釋頽綱攬轡清沃心期  
密啓銜尾待香航處處江山秀行春莫計程

楊日華宰錢塘

洛社負才名吾宗占寧馨聞詩趨鯉室襲慶墮鱣庭力  
學窺堂奧孤飛徹杳冥一枝攀綠桂百里應華星漢網  
何曾密吳歆正好聽油囊滿醇酎千日莫期醒

柳紳歸縉雲

予曾典是郡紳依  
宮師相國十餘年

東甌別業寄秋雲平昔題橋墨尚存故郡曾登太守榻  
上都頻掃相君門揮毫月殿香盈袖錫讌星津酒滿樽  
歸去吏民如問我五年書命紫薇垣

表弟李宗元知桂州陽朔縣

桂林陽朔溪山秀莫歎迢迢五嶺南  
百里字人須敏政  
千金酌水更懲貪  
鳴榔下瀨潮程遠  
曳彩升堂壽讌酣  
遠地民淳無牒訴  
縣齋終日好清談

高起居知廣州

作藩南越古稱雄  
五管皆歸節制中  
腰佩金龜三品綬  
船開畫鷁一帆風  
橘官手版趨塵遠  
梅使星車附信通  
暫阻螭頭夾香案  
清宵應夢未央宮

丁集賢通判餘杭

遼東羽客富仙材  
仙殿飛觴接上台  
便道歸寧白蘋渚  
經時賜對栢梁臺  
里中驅弩先行路  
膝下斑衣慶壽杯  
明詔許令過別墅  
不憂郡閤簡書催

吳航赴宜興簿

家住武夷峯  
眉間道氣濃  
風塵久為客  
雷火近成龍  
試吏江城僻  
寧親嶺路重  
一塵期沒齒  
樂土定相容

予素  
有陽

羨退居之志  
會當占數於樂郊也

十六兄赴韶州從事



魏帝臺邊拂戰塵  
初平山畔綵衣新  
又攀高柳隋隄暮  
却寄寒梅庾嶺春  
韶石閒尋張樂地  
曹溪首訪悟空人  
男兒平昔四方志  
莫厭區區走隻輪

章頻寄南昌

孺亭洪井古南昌  
曾是梅仙試吏鄉  
一邑絃歌榮製錦  
幾程雞犬接維桑  
年深為客貂裘敝  
秋晚還家菊徑荒  
平昔題橋今遂志  
且斟壽酒獻高堂

李廷評

昭迪使淝上

畫舸西風五兩斜  
淮淝將命去程賒  
衣纓黃閣相君後  
門巷青春學士家  
驛路新袍欺草色  
公筵大白醉榴花  
謝庭蘭玉多才思  
休澣裁詩對客誇

書懷寄劉五

風波名路壯心殘  
三逕荒涼未得還  
病起東陽衣帶緩

近卧病  
月餘

愁多騎省髭毛斑

予行年三十有二

五年書命塵西閣

千古移文愧北山  
獨憶瓊枝苦霜霰  
清罇歲晏強酤顏

趙殿丞知河南縣

鼎邑閭閻有古風清談為治自從容官聯殿省通朝籍  
路過津橋入縣封柳蔭天街時按轡雲生少室好搢笏  
龍門舊有題名處石壁蒼苔駁幾重

祕閣王校理知柳州

南越尉佗國羅池子厚神桂林驅傳遠芸閣解嘲頻行  
橐黃金滿歸程阜益新一麾愁度嶺五綵喜寧親薏苡  
偏防疾蒲廬善化人蓬山直廬在几硯日生塵

送僧歸越

中林宴坐赤髭繁水月禪心出世間說法音同海潮震  
隨緣身比嶽雲閒曹溪嫡嗣多參見碧落仙卿徧往還  
歸去舊房秋色晚澗松枝偃雨苔班

吳延年宰武義

精神滿腹富青春燒尾曾看上禹門獻賦多年梁苑客

謫仙重世武夷孫

武夷君呼鄉人為曾孫

一同印綬光初命幾驛

桑麻接故園澤國歸程秋欲盡丹楓黃菊動吟魂

吳待問之蒙城簿

西來赴調合關繻黃綬風塵厭九衢祖席且同開口笑  
公庭未免折腰趨長安車馬偏欺客魯國衣冠肯戲儒  
共憶故園歸計晚舊遊烟樹隔重湖

黃少卿惠綠雲湯

新甫奇材百尺標秋空高幹拂鵬霄仙經藥品誇難老  
人世霜天貴後凋千古貞魂愁化實九原荒壠恨為樵  
誰研露葉和雲液幾宿春醒一啜消

靈隱長老歸舊山

浮杯心與海鷗親  
駐錫王城忽過春  
麟殿九旬談妙法  
曹溪一滴渡迷津  
狂翻竹箭波隨棹  
側布黃金地絕塵  
白黑歡迎猿鳥喜  
紺園風定雨花新

皇甫太博知蘇州

長洲連歲得賢君  
十萬人家煦若春  
激箭波狂浮畫舸  
散絲雨細逐朱輪  
郡齋詩石鋪輕蘚  
公宴歌喉落暗塵  
未得休官作逋客  
河梁歸思滿鱸蓴

懷寄樞密王左丞

高陪七聖從軒遊，帷幄深嚴日運籌。  
口裡雌黃歸品藻，盤中薤白想風流。  
珠宮地密妨趨謁，銅鉢聲沉斷唱酬。  
獨喜修書依絳帳，時登闕里受春秋。

從叔郎中知潭州

藩閫分憂重，關山去路賒。  
含香滯郎署，乘駟倦天涯。  
土貢千頭橘，神祠萬里沙。  
金碑紀風物，寶瑟怨年華。  
粉籜班文簟，雲腴紫笋牙。  
民田兩岐麥，郡圃四時花。  
別恨休攀柳，歸期待及瓜。  
鱸庭有遺訓，清白自傳家。

黃刑部之陝西轉運

百二秦川四塞寬  
甘泉烽火報平安  
泥書雙筆遷郎署  
粒食千金仰縣官  
江海半生拋別墅  
關山何日解征鞍  
定將鞭算資心計  
流馬功成國史刊

史館張學士知婺州

鸞掖分符又出麾  
津亭目送片帆飛  
暫隨越鳥棲烟樹

重許吳儂見錦衣

君前牧新定

屬邑行春熊軾穩  
公堂卜夜

蟹螯肥隱侯帶眼看成緩  
雙闕恩深更憶歸



答李光丞

來詩述車駕臨  
幸修書院之事

豹尾森森拂畫簷，久留雕輦閱牙籤。  
字分三豕慙該博，饌費雙雞媿屬厭。  
濫跡播紳同北枳，草儀封禪待南鷄。  
相門蘭玉裁新句，只恐京城紙價添。

寄并州張給事

山河表裡絕狼烟，幕府朝朝醉玳筵。  
合樂中軍雄鼓吹，傳杯四座豔花鈿。  
行春好駐桑郊騎，卜夜誰談雪竇禪。  
梁苑并門杳千里，離懷愁對月嬋娟。

寄劉秀州

連典吳  
中諸郡

騎置迢迢阻玉音  
左魚江海遂初心  
朱絃道直消浮謗  
春草才多動苦吟  
震澤析醒千樹橘  
華亭驚夢九臯禽  
郡樓晴日東西望  
幾處甘棠接翠陰

無為軍王從事

奏牘曾蒙乙夜觀  
擅場文價在金鑾  
貂裘歲久京塵暗  
鷗路風高旅翮殘  
取酒黃金都已盡  
食魚長缺更須彈  
時清水國無書檄  
誰見揮毫一據鞍

密直任學士知益州

玉壘求賢牧金門輟近臣  
龍荒使傳遠雞省命書新  
殿柱題名久刀州入夢頻  
懸魚喧舊政

前牧東川

叱馭繼芳塵

珠履平原客壺漿左蜀人  
北堂牽遠念南詔撫殊鄰  
宴榭峨眉雪訶筵濯錦春  
樂章傳辯士卜肆訪逋民  
幕府觴無筭池塘思有神  
知誰預交辟空羨吐車茵

休沐述懷寄祕閣錢少卿

風號電笑雨平堦  
紈素微涼暗入懷  
畫枕乍成園吏夢

晨疏聊學太常齋名慙引籍通丹地心媿移文刻翠崖  
大隱金門猶自適日親方朔聽詠諧

晏殊奉禮歸寧

垂髫婉孌便能文驥子蘭筋迥不羣南國生芻人比玉  
梁園脩竹賦凌雲堵牆看試三公府反哺知千萬乘君  
賜告歸寧來別我亭臯木葉正紛紛

送禪牀與樞密王左丞

北祖安禪惟看淨毗邪升座更談空須知密勿萬機外

常在瑜伽三昧中

受詔修書述懷感事三十韻

太極垂裳日中原偃革初樓船秋發詠衡石夜程書好  
問虛前席徵賢走傳車蓬萊侔漢制煨燼訪秦餘紬繹  
資金匱規模出玉除紛綸開四部祕邃接千廬飫賜雙  
雞膳親迴六尺輿華芝下閭闔白羽擁諸胥望氣成龍  
虎披文辨魯魚清光無咫尺玄覽亦躊躇羣彥揮鉛筆  
微生濫石渠嵇康真懶慢謝客本空疎講學情田堉談

經腹筭虛月評依許劭文體慕相如雅飲歡娛洽清言  
鄙恡祛彌旬容出沐終日喜羣居撫已慚鳴玉歸田憶  
荷鋤池籠養魚鳥章服裹猿狙園府愁尸祿天閭媿縈  
裾虛名同鄭璞散質類莊樗國士誰知我鄰家或侮予  
放懷齊指馬屏息度羲舒寡婦宜憂緯三公亦濯蔬危  
心惟敵鯁直道忍蘧蒢往聖容巢許先儒美甯蘧晨趨  
歎勞止夕惕念歸歟秦痔踈杯酒顏瓢賴斗儲如諧曲  
肱卧猶可直鈎漁矯矯龜銜印翩翩隼畫旗一麾終遂

志阮籍去騎驢

分得朝野多歡娛

魚字韻

臯壤驚秋氣倉箱有歲儲  
梁園從臣頌謝墅富人車  
休沐新頒詔珍符不絕書  
天心游蠖濩民樂在華胥  
擊壤歡謠洽凝脂密網除  
行將封岱嶽持橐奉金輿

胡馬嘶北風

動地陰風勁連雲白草齊  
聞琴空仰秣踐雪憶歸蹄  
金埒心寧戀鹽車困欲嘶  
過關拖足練渡水惜鄣泥  
五路

鸞旗緩千金碣館迷霸魂重懷土不寐到晨雞

金馬

茂異紛綸集漢庭求賢詔在竹書青共趨金馬門前路  
誰識東方是歲星

冬夜

香街鼓絕暝烟深簷近孤釭射宿禽露井銀牀霜氣冷  
瑣窻珠網月華侵初沉遠籟聞疎漏旋拂流塵撫素琴  
坐久星河漸傾沒蕭蕭朔吹度平林



集賢李金部知潁州

汝陰名郡擁朱輪  
洛宅霜威尚襲人  
門籍舊通仙禁近  
書囊纔補殿惟新  
金華入侍知非晚  
石柱題名又幾春  
莫戀桑郊停五馬  
蓬邱几硯自生塵

海印大師歸永嘉

仁煦

都城供應幾經秋  
海國歸心不少留  
雨雪片帆過北固  
烟霞丈室寄東甌  
千燈續燄知無盡  
一錫隨緣信自由  
更到石門題雅句  
碧雲從此掄湯休

挽歌

故樞密宋給事挽歌三首

宸遊方扈從移疾廢樞機步輦親臨問肩舁遽告歸忽  
聞號左轂旋見泣中闈城郢遺言切忠魂定有依  
六龍初展義七聖盡陪遊塞外狼烟起軍中羽檄稠漢  
帷方借筓莊壑忽沉舟不柰良臣死秦醫亦漫求  
永辭溫室地長別諫書帷玉恨埋黃壤星愁拆紫微薤  
歌偏怨咽袞斂更光輝可惜岑文本遼陽不共歸

故蘄州王刑部閣老挽歌五首

東觀未絕筆西垣俄解龜罷裁青紙詔重入白雲司流  
落成三黜聯翩換一麾黃崗與滁上應立去思碑

雞省曾三入鼇峯近十旬命書批鳳尾諫疏逆龍鱗按  
部朱轡遠悲秋素髮新茂陵終不起遺札滿埃塵

近署罹官謗清淮綰郡章平生不佞佛晚歲尚為郎得  
疾因卑濕為文足感傷纔蒙宣室召奄忽歎云亡

楚客離騷怨子牟江海心積憂偏損壽多病未妨吟野

鳥俄窺舍甘棠已結陰郡中應罷市遺愛在人深  
奏橐應盈篋藏書復幾車門人誰漬酒天子想投瓜  
瓠關山闊銘旌道路賒趨庭有令子清白自傳家

故比部李郎中挽歌四首

隴右華宗貴朝端懿範存哀烏光列宿駟馬慶高門  
謁帝承明署娛賓金谷園人生忽至此天道亦難論  
睦族衣無主傳家鼎有銘沙堤連里巷玉樹接堦庭  
北海樽常滿西山藥不靈肯堂歸棣萼含笑入泉扃

雁序分臺閣春卿有職司雲屏三殿宴綿絕一王儀風  
韻靈和柳襟懷叔度陂善人無復見執紼淚空垂  
美疾漳濱卧營魂東岱歸故人空漬酒侍史罷薰衣畫  
像留家廟銘旌出帝畿浮生除壽考享福似君稀

明德皇太后挽歌詞五首

奉勅撰

母儀垂二紀坤順翊玄功望斷蒼梧野尊歸長樂宮金  
塗烘曉日椒壁起香風奄忽違塵世攀號泣舜瞳  
軒星光太極陰教正中闈外戚黃金穴深宮大練衣雀

臺愁霧隔駒隙暗塵飛  
貝闕三山路飄飄仙馭歸  
德契河洲什心依黃老書  
濯龍規誠在飛羽豫遊踈  
復土文園接凝塵丙殿虛  
蒸蒸天子孝泣血望塗車  
世載河山誓門無恩澤侯  
公桑空繭館仙藥阻蓬邱  
慙冊藏幽壤哀笳咽素秋  
後宮彤管在千古紀徽猷  
閩範留椒闥神遊返玉清  
魚燈照玄寢騎吹咽重城  
連迫升仙日人傷喪妣情  
宮中舊長御行哭盡吞聲

又五首

奉勅撰

太姒徽音盛長秋命數崇黃圖分丙殿玄象應軒宮記  
注無窮美聲詩內助功雲陽復土後陵栢自悲風  
甲族傳仙李遺言在濯龍後宮皆率職外戚早辭封彤  
管流陰教金根盛國容真遊一何遽罷望九疑峯

軒遊雲杳杳舜孝日蒸蒸椒壁還生沴銅臺亦罷登親  
桑寧復見嘗藥遂無徵拱木玄堂閉淒涼烟霧凝  
外家金穴貴曩日玉衣祥萬壽瑤觴舉三朝複道長小  
侯親俎豆女史煥縑紉遽厭人間世乘雲歸帝鄉

外族長安盛尊名永樂崇初陵淒草露舊殿閭椒風  
樹迷凶仗周原掩壽宮聖君悲望處泪雨泣重瞳

樂章

太常樂章三十首

奉聖旨撰  
咸平五年

皇帝南郊前一日朝饗太廟奏理安曲迎神

肅肅清廟昭事祖禰粢盛苾芬四海來祭皇靈格思令  
容有睟降福孔偕以克永世

皇帝行奏隆安之曲



裸鬯溥將賓尸在位立德升聞孝思光被公卿庶政傳  
御師氏至誠感神福祿來暨

皇帝奠幣奏瑞文之曲

淳精育物瑞木成文元氣陶冶非烟郁紛玄貺昭格至  
和所薰登歌裸獻盼蠻如聞

迎俎奏豐安之曲

麗碑割牲以息以烹博碩肥腍薦羞神明祖考來格享  
于克誠如聞聲歆式燕以寧

皇帝酌獻第一室奏大善之舞曲

肅肅藝祖肇基洪源權輿光大燕翼貽孫載祀惟永慶  
流後昆威靈在天顧我司存

酌獻第二室奏大寧之舞曲

文思聖祖長發其祥錫羨蕃衍德厚流光眷命自天卜  
世聿昌肅祇孝享降福無疆

酌獻第三室奏大順之舞曲

明明我祖積德累仁居晦匿曜邁種惟勤帝圖天錫輝

光日新寢廟繹繹昭事同寅

酌獻第四室奏大慶之舞曲

洸洸我祖時惟鷹揚潛德弗耀發源靈長肆類配天永  
思不忘來顧來享百福是將

酌獻第五室奏大定之舞曲

赫赫太祖受命于天赤符啓運威加八埏神武戡難功  
無間然翼翼丕承億萬斯年

酌獻第六室奏大盛之舞曲

穆穆太宗與天合德昧旦丕顯乾乾翼翼敷佑下民時  
帝之力永懷聖神孝思罔極

皇帝飲福酒奏禧安之曲

嘉粟旨酒博膺牲牷神鑒孔昭享茲吉蠲夙夜毖祀孝  
以奉先永錫純嘏功格于天

退文舞出奏正安之曲

左手執籥右手秉翟進旅退旅萬舞有翼

迎武舞入奏武功之曲

已象文治乃觀武成惣干山立七德以貞

亞獻終獻送神並奏理安之曲

神之來兮風肅然神之去兮昇九天排凌兢兮還惚恍  
羽旄紛兮蕭鄉燔

南郊降神奏高安之曲

爰卜吉土在國之陽肆類于帝錫羨無疆備物致享嘉  
生阜昌純嘏昭荅長發其祥

皇帝行奏隆安之曲

禮備樂成乾健天行帝容有穆佩玉鏘鳴

皇帝奠玉幣奏隆安之曲

定位誌祀告于神明嘉玉量幣享于克誠

迎祖奏豐安之曲

有牲斯純有俎斯陳柔嘉登薦昭事惟寅

初獻奏禧安之曲

大報于帝玄德升聞醴齊良潔粢盛苾芬

皇帝飲福酒奏禧安之曲

祀帝圓邱九州獻力禮行于郊百神受職靈祇格思享  
我明德天鑒孔彰玄祉昭錫

皇帝迴仗乾元殿奏采茨曲

禮成于郊迎日之至時乘六龍天旋象魏端門九重虎  
賁萬騎四夷來王羣后輯瑞

皇帝御殿迎升御座奏隆安之曲

金奏在懸羣后在位天威煌煌嚮明負宸玄覽穆清弁  
冕端委盛德日新禮容有煒

引羣官作正安曲

萬邦來同九賓在位奉璋薦紳陟降庭止文思安安威儀棣棣臣哉隣哉介爾蕃祉

皇帝正冬御殿

文舞第一

八佾具陳萬邦有奕既以象功又以觀德進旅退旅執籥秉翟玄化懷柔遠人來格

第二



閭闔天開羣后在位設業設簾庭燎晰晰斧戱當陽虎  
賁夾陛舞之蹈之四隅來暨

武舞第一

武功既成綴兆有翼以節八音以象七德俟俟蹲蹲朱  
干玉戚發揚蹈厲其儀不忒

第二

偃伯靈臺功成作樂以昭德容以清戎索萬邦會同羣  
慝蕭勺盡善盡美侔彼韶箠

皇帝南郊迴御樓將索扇奏隆安之曲

應門有翼羽衛斯陳山龍袞冕律度聲身戕戕奉璋肅肅九賓清明在躬志氣如神

皇帝御樓奏隆安之曲

圜邱類上帝六變降天神禋燔禮云畢使衛肅以陳天顏瞻咫尺王澤熙陽春玉帛臻禹會動植霑堯仁

皇帝御樓畢奏隆安之曲

肆類云畢淳熙溥將雷雨麗澤雲物効祥禮容濟濟天

威煌煌大賚四海富壽無疆

又七首

續奉勅撰  
景德三年

白帝迎神高安曲

西顥騰精天地始肅盛德在金百嘉阜育彊弩射牲築  
場登穀明靈格思旄罕紛屬

奉幣嘉安曲

博碩肥腴以魚以烹嘉粟旨酒有瀰斯盈猷較維旅肅  
肅蒸蒸吉蠲備物享于克誠

送神理安曲

飈輪戾止光燭靈壇金奏繹如白露漙漙

朝日迎神

陽德之母義御寅賓得天久照首茲三辰正辭備物肅肅振振淪精降鑒克享明禋

奉幣

醴齊良潔有牲斯純大采玄冕乃昭其文王宮定位粢盛苾芬民事以叙玄德升聞

送神

懸象著明照臨下土降福穰穰德施周普

飲福酒廣安曲

簠簋既陳吉蠲登薦洗心防邪肅祇祭典陟降惟寅  
豆有踐百祿咸宜淳耀丕顯

正冬御殿上壽樂章八首

皇帝舉壽酒宮懸奏和安之曲

天威煌煌山龍采章庭實旅百上公奉觴拱揖羣后端

委垂裳永錫難老萬壽無疆

皇帝舉第二爵酒登歌奏祥麟之曲

帝圖會昌仁獸効祥雙貉共觝示武不傷四靈為畜玄  
朽耀芒公族信厚元元阜康

賜羣臣第一盞酒宮懸奏正安之曲

思皇多士靖恭著位鳴玉飛綏鏘鏘濟濟宴有折俎以  
示慈惠罔敢不祇福祿來暨

皇帝舉第三爵酒登歌奏丹鳳之曲

矯矯長離振羽來儀和音中律  
蓀翰揚輝珍符沓至品物攸宜  
至德玄感受天之祺

賜羣臣第二盞酒宮懸作正安之曲

金奏在懸有酒斯旨顒顒卬卬  
嚮明負宸湛湛露斯式宴以喜  
佩玉樂兮罔不由禮

皇帝舉第四爵酒登歌奏河清之曲

德水湯湯發源靈長皎鑒澄澈  
千年効祥積厚流濕資生阜昌  
朝宗潤下善利無疆

賜羣臣第三盞酒宮懸作正安之曲

酒以成禮樂以侑食露湛朝陽星環紫極淑慎爾容既  
飽以德進退周旋威儀抑抑

禮畢降坐宮懸奏隆安之曲

被袞當陽穆穆皇皇擊石拊石頌聲洋洋和樂優洽終  
然允臧禮成而退荷天百祥

武夷新集卷五



謹案卷四第十四頁前二行只應伸臂頃原本臂  
訛壁據別本改

第十七頁後一行輒將北苑先春茗原本北訛花  
據別本改

卷五第三頁後一行聞詩趨鯉室原本趨訛饋據  
別本改

第十八頁後二行孝思罔極原本罔訛同今改  
第二十一頁前八行羣慝簫勺按慝字疑訛



總校官庶吉士臣張能照

校對官編修臣閔惇大

謄錄監生臣宋維翰

謄錄監生臣吳魯田